

նում առանց միայն այսօրուան «Ինքնավար Ղարաբաղ»-ի կ'անէ 496 հազար (307 հազար Վրաստանում եւ 189 հազար Ատրբէջանում) :

Ասել է՝ կըր ճաշուով Անդրկովկասի 1/2 միլիոն հայութիւնը այսօր դուրկ է ունէ ինքնավար իրաւունքից : Դա անում է ամբողջ անդրկովկասի բնակչութեան դրեթէ 9 տոկոսը : Իսկ եթէ առհասարակ Հայաստանից դուրս ազրոզ հայերի թիւը նկատի ունենալու լինինք (307 հազար + 297 հազար = 604 հազար), վերջինս կը կազմի Անդրկովկասի ընդհանուր ազգաբնակչութեան 10 տոկոսից աւելին, որ է՝ նոյն երկրամասի (Անդրկ.) հայութեան (1, - 333,000) մօտ 45.35 առ հարիւրը :

Թուրք-քաքարները եւս ունին իրենց ազգային իսկական փոքրամասնութիւնները Անդրկովկասից դուրս, թէեւ ոչ այն համեմատութեամբ, ինչ որ հայերը : Նախկարայր ընդհանուր սահմաններ չունենալով իսկ Ատրբէջանի հետ, վերջինիս մի ինքնավար շրջանն է : Վրաստանում ապրող թուրք-թաթարների ընդհանուր թիւն է, համաձայն 1926-ի վիճակագրութեան (չհաշուած, ի հարկէ, աջարացիներին), 198 հազար եւ կամ ողջ ազգաբնակչութեան 5.2 առ հարիւրը : Դրանք գլխաւորապէս ապրում են Ախալցխայի, Բորչալուի եւ Թիֆլիսի զաւառներում : Տեղ-տեղ կազմում են այս կամ այն շրջանակի բնակչութեան մեծամասնութիւնը : Հայաստանի սահմաններում ապրող թուրք-թաթարների թիւը մօտ 90 հազար է եւ կամ ողջ բնակչութեան 10 տոկոսից քիչ աւելին :

Վրաստանում եւ Հայաստանում, միասին առած, ուրեմն ապրում են 288 հազար թուրք-թաթարներ : Դա անում է Անդրկովկասի թուրք-թաթար ցեղի ամբողջական թուի (1, - 652,000) 17 տոկոսից աւելին եւ կամ Անդրկովկասի ողջ բնակչութեան մօտ 5 տոկոսը :

Բաղդատութեան գնելով մի կողմից հայերին եւ միւս կողմից թուրք-թաթարներին վերաբերող վերոյիշեալ թուերը, տեսնում ենք ուրեմն, որ մինչդեռ թուրք-թաթար փոքրամասնութիւնները — ներկայիս վիճակը նկատի ունենալով — Անդրկովկասի ազգաբնակչութեան հազիւ 5 տոկոսն են կազմում, հայերը, ընդհակառակը, 10 տոկոսից էլ աւելի են : Ինք-

նին աննպաստ պարագայ մեղ համար :

Միւս կողմից՝ մինչ Անդրկովկասի հայութեան 45.35 առ հարիւրը Հայաստանի սահմաններից դուրս է ապրում, լինելով արուեստականօրէն իր երկրից դուրս առնուած, նոյն յարաբերութիւնը Ատրբէջանից դուրս գտնուող թուրք-թաթարների համար արտայայտում է ընդամէնը 17 առ հարիւրով : Պատկերը ուրեմն այստեղ եւս շատ անմխիթարական է մեղ համար :

Ինչ վերաբերում է վրացիներին, այնչափ աննշան է նրանց թիւը իրենց երկրից դուրս, Հայաստանում եւ Վրաստանում, որ յիշատակութեան իսկ արժանի չէ այս կապակցութեան մէջ : Նշանակում է՝ փաստօրէն վրացական ազգային փոքրամասնութիւն գոյութիւն չունի Անդրկովկասում : Բախտաւոր վիճակ, ազգային-պետական եւ առհասարակ ամէն տեսակէտից :

\* \* \*

Ազգային փոքրամասնութիւններ ունին, բացի յիշեալներից, նաեւ ցեղազրական ուրիշ տարրերի, թէեւ շատ փոքր չափով միայն — եզրիտներ, քրդեր, ասորիներ, պարսիկներ, այլ եւ իրենց ազգային հողամասից դուրս ապրող փոքրաթիւ վրացիներ, լեռնականներ, եւ ուրիշ ժողովուրդներ :

Ի՞նչ թիւ են կազմում ուրեմն, բոլոր ազգային փոքրամասնութիւնները միասին, Անդրկովկասում .

Ա. ԽՈՒՄԲ

1000-ական		% Անդրկ. Բնակչ.
1. Ռուսներ՝	336	կամ 5.75%
2. Յոյներ՝	57	կամ 0.99%
3. Հրեաներ՝	30	կամ 0.52%
4. Եւրոպ. ցեղեր՝	68	կամ 1.15%
Գումար՝	491	կամ 8.41%

Բ. ԽՈՒՄԲ

1000-ական		% Անդրկ. Բնակչ.
1. Հայեր՝ (առանց Ղարաբաղի)	496	կամ 9%
2. Թուրք-քաքար՝	288	կամ 5%
Գումար՝	784	կամ 14%